



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

XIII. Gandiæ Societatis Iesu Collegium, Academiamq[ue] constituit.

urn:nbn:de:hbz:466:1-45256

80 DE VITA FRAN. BORG.

animo, DEI misericordiae innixa, obiret. Illa vero CHRISTI de cruce pendentis imagine pie amplexa, animam salutis auctori, ipsi plena, reddidit, ante diem vj. Kal. Aprilis, anno redempti orbis clo. lo. quadragesimo sexto.

CAPVT XIII.

*Gandiae Societatis IESV Collegium,
Academiamque constituit.*

MORTVA Leonora, Gandiam commodum venerat Petrus Faber, Allobrox, qui primus se ad Ignatij Loyolae societatem Lutetiae Parisiorum applicuit. Hunc ex Hispania Paulus III. Pont. Max. euocandum curarat, vt in Theologorum sedis Pontificiae numero, Tridentino Concilio, Catholicae fidei causam, aduersus re-
cens

LIBER PRIMVS. 81

gens ab inferis excitatas hæreses, tueretur; vna cum Iacobo Layne, & Alphonso Salmerone Toletano, Socijs. Ignatius in mandatis Fabro dederat, Gaudia iter faceret, FRANCISCVM Ducem, officij gratia, salutaturus; qui ædes Societati excitare animum induxerat: eo que paulo ante sacerdotes Roma, & Olyssipone, allegati. Incredibile dictu, quantum illius aduentu delectatus FRANCISCVS: vt animi parentem, & moderatorem, tum demum nactum se, DEI beneficio, prædicaret. Exercitationes enim Faber, quas Ignatius de CHRISTI rebus gestis, & morte, dictarat. meditando proposuerat. Asceticum hoc opusculum (sic enim, Basilij Magni auctoritatem secutus, appello, quas vulgo *Exercitationes*

E

spi-

spiritus) post FRANCISCVS,
 vtilitatem re ipsa expertus, Pauli
 III. Pont. Max. auctoritate, ra-
 tum haberi curauit. Diploma
 quoque vt in eam sententiam fi-
 eret, quod libello additum legi-
 mus, impetrauit: ad eorum opi-
 nionem minuendam, qui, quae
 non legerunt, temere damnant,
 aut si legerunt, falsinato inui-
 diae oculo, non recta ratione, di-
 iudicant. Iacta collegij funda-
 menta, feliciter, ante diem iij.
 Nonas Maias, anni clo. lo. XLVI.
 1546. Primum quidem lapidem Fa-
 ber, sacris rite operatus, posuit;
 alterum Dux, postque, eius ex-
 emplo, liberi. Breui aedes con-
 structae, ludique aperti huma-
 niorum litterarum, diuinae item,
 & humanae Philosophiae. Quin-
 & in Academiae formam, Sum-
 mi Pontificis, & Caesaris aucto-
 rita-

ritate, euexit. Prima ea omni-
 um Societati credita. Biblio-
 theca item exornauit. Faber, fa-
 lutato FRANCISCO, quam ma-
 ximis itineribus Romam per-
 uenit. Mox Kalen. Sextilibus,
 magno Sociorum luctu, occu-
 buit. Insequenti anno Monso-
 nium, in Celtiberiæ finibus id 547.
 oppidum, ubi trium regnorum
 haberi conuentus solent, Phi-
 lippus Hispaniæ tum Princeps,
 FRANCISCVM honorifice e-
 uocauit: quo nobilium animos
 ad concordiam reuocaret. Me-
 moria tenebat, parentem suum
 Carolum Cæsarem, quinto an-
 te anno, fideli eiusdem opera
 usum. FRANCISCVS, quasi iam
 vltimum id officium Principi
 præstaret, & immortalis se Regi
 compararet, quod ad patriæ cō-
 modum, nobilium emolumen-
 tum,

tum,

rum, Regis ornamentum pertinere videretur, nihil prætermisit.

CAPVT XIV.

In nouo vitæ genere suscipiendo Societatem IESV d. legit.

EX IN maiora animo agitatebat; vti ad summam vitæ perfectionem contendere, & Euangelij consilia, vinculis iam coniugij liber, amplectenda duceret. Rogare itaque pios homines, quoties ad se adirent precibus Liturgis, à DEO poscerent, salubria sibi consilia de optimo vitæ genere diligendo, in quo sunt omnia, suggereret. Ipse quoque eleemosynas indies erogabat, plusque tribuebat temporis orationi, meditationi, atque vigiliis: ieiunia, & corporis verberationes intendebat. Didicerat enim puer, deliberatione
de